

舞陽縣志卷之九

人物志

知縣王德瑛纂修

人物之生也萃氣天地鍾秀山川其德望事功崎行苦節昭昭人耳目無論丈夫女子振俗流芬均有裨於世道人心也志人物

鄉賢

漢王常字商卿王莽末與王鳳王匡起兵後與馬武成丹張印別入南郡號下江兵時漢兵敗於小長安劉縯即與光武造其壁曰願見下江一賢將議大事眾推王常光武與縯說以合從之利常舞陽縣志

卷之九

人物

一

大悟還具為武丹等言之武丹曰大丈夫當自為主何故受人制乎常乃徐起曉之曰王莽篡位政令苛酷民之謠吟思漢非一日矣故使吾屬因此得起夫民所怨者天所去也民所患者天所與也舉大事當下順民心上台天意功乃可成若強恃勇縱情恣欲雖得天下必復失之以秦項之勢尙有覆滅况今布衣相聚草澤以此行之滅亡之道也今南陽諸劉舉宗起兵觀其來議者深計大慮皆王公之才與之合必成大功此天所以祐吾屬也諸將皆謝曰敬受教即引兵與漢軍合遂破甄阜梁邱賜更始立常為廷尉封知命侯別徇汝南郡還入昆陽與光武共擊破王尋王邑

更始都長安以常行南陽太守事令專命誅賞常性恭儉遵法度
南方稱之更始敗常詣洛陽自歸光武見常甚懼曰吾見廷尉不
憂南方矣乃召公卿以下大會指王常謂羣臣曰此家率下江諸
將輔發漢室心如金石真忠臣也是日遷爲漢忠將軍遣擊鄧奉
等又從破蘇茂龐參拜橫野大將軍封鄧王位次與諸將絕席後
諸王皆封公侯遂以常爲山桑侯諡曰節子廣徙封石城侯

丁綝字幼春世祖畧地潁陽綝時守潁陽尉說其宰與俱降世祖
大喜厚加賞勞以綝爲偏將軍因從征伐將兵先渡河移檄郡國
攻營畧地下河南陳留潁川二十一縣建武元年拜河南太守及

舞陽縣志

卷之九

人物

二

封功臣帝令各言所樂諸將皆占豐邑美縣唯綝願封本鄉或謂
綝曰人皆欲縣子獨求鄉何也曰昔孫叔敖勅其子受封必求境
埆之地今綝能薄功微得鄉亭厚矣帝從之封定陵新安鄉侯食
邑五千戶後徙封陵陽侯

丁鴻字孝公陵陽侯綝之子也年十三從桓榮受歐陽尚書二年
而明章句善論難爲都講遂篤志精銳布衣荷擔不遠千里綝卒
鴻當襲封上書稱疾讓國於弟盛不報既葬乃掛衰經於家廡進
去友人鮑駿遇於東海責以春秋大義鴻感悟乃還就國駿上書
言鴻經學至行顯宗賢之詔徵鴻至卽召見說文侯之命簡賜

衣及綬廩食公車與博士同禮拜侍中尋封魯陽鄉侯肅宗詔鴻
與諸儒論定五經同異於北宮白虎觀帝稱制臨決鴻以才高論
難最明諸儒稱之帝嗟美焉時人歎曰殿中無雙丁孝公和帝卽
位遷太常永元四年爲司徒是時太后臨政竇憲兄弟擅威權鴻
因日食上封事反覆數百言劾切徵竇書奏帝以鴻行太尉事兼
衛尉屯南北宮於是收憲大將軍印綬憲及諸弟皆自殺鴻薨賜
贈有加常禮子湛嗣湛卒子浮嗣浮卒子夏嗣

韓稜字伯師章帝時人隴西太守尋之子也四歲而孤長以孝友
稱推父餘財數百萬與從昆弟初爲郡功曹五遷爲尙書令以才

舞陽縣志

卷之九

人物

三

能稱肅宗嘗賜寶劍白手署其名曰韓稜楚龍淵和帝卽位竇憲
擊寇有功還爲大將軍威震天下復出屯威武會帝西祠園陵詔
憲與車駕會長安及憲至尙書以下議欲拜之伏稱萬歲稜正色
曰夫上交不諂下交不瀆禮無人臣稱萬歲之制議者皆慚而止
左丞王龍私奏記上酒牛於憲稜奏論爲城旦竇氏敗稜典按其
事帝以爲疑國忘家賜帛三百疋遷南陽太守稜發摘奸盜郡中
震慄九年爲司空

韓演字伯南稜之孫爲司徒終司隸校尉有政聲

韓韶字仲黃桓帝時人辟司徒府椽時泰山瑯琊賊舉僞號懸平

守令不能破尚書遂三府椽能理劇者遂以韶爲嬴長賊聞其賢相戒不入境餘縣悉被害廢耕流民入嬴求衣食者甚衆韶憐其饑寒乃開倉賑之主者爭謂不可韶曰能括溝壑萬餘戶而以此伏罪含笑入地矣太守知其賢聽韶便宜竟無所坐

杜安字伯夷有志節年十三入太學號奇童貞戚舉名遺之書安獲璧藏之後捕按貴戚賓客安開壁出書印封如故時人貴之官至巴郡太守

杜根字伯堅安之子也永初元年舉孝廉爲郎中時太后專制久不還政根上疏觸太后怒盛以緋囊撲殺之載出城得蘇逃竄爲

舞陽縣志

卷之九

人物

四

酒家保至延光元年太后崩帝親政拜爲御史官至濟陰太守

賈彪字偉節漢桓帝時太學生三萬餘人郭泰賈彪爲其冠與李

膺陳蕃王暢更相褒重時人自公卿以下莫不畏其貶議時岑暉

逃竄親友競匿之彪獨閉門不納曰傳言相時而動無累後人公

孝以要君致讞自遺其咎吾可容隱之平彪嘗爲新息長民因貧

多不養子彪嚴爲其制與殺人同罪城南有盜劫殺人者北有婦

人殺人殺出按驗椽吏欲引南彪怒曰寇害人此常事母子相

殘逆天違道遂驅車北行按制其罪賊聞之而縛自首數年間人

稱子者以千數曰此皆賈父所生也遂皆名之爲賈桓帝時黨人

之禍莫敢爲言者彪曰吾不西行大禍不解乃入雒陽說竇武及
尙書霍諝上書表請帝意稍解放黨人歸田里彪兄弟三人並有
高名天下稱曰賈氏三虎偉節最怒

三國杜襲根之曾孫也建安十八年魏以爲西鄂長辟侍中二十
四年蜀將黃忠斬夏侯淵魏軍大亂襲時爲督軍收集散卒軍大
定後爲長史值營帥許攸擁眾不附而有慢言操怒欲伐之襲入
諫曰今豺狼當道而狐狸是先人將謂殿下避強攻弱進不爲勇
退不爲仁吾聞千鈞之弩不爲鼷鼠發機萬石之鐘不以蓬蓬起
音今區區之許攸何足勞神武哉操曰善後封爲平陽侯諡曰定

舞陽縣志

卷之九

人物

五

子曾襲封

南北朝范縝字子真齊永明時人爲景陵王子良友子良好釋氏
縝盛稱無佛子良曰君不信因果何得有富貴貧賤縝曰人生如
樹花同發隨風而散或拂簾幌墜茵席之上或闕籬牆落糞溷之
中墜茵席者殿下是也落糞溷者下官是也貴賤雖殊因果何在
子良無以難又著滅神論以爲形者神之質也神者形之用也神
之於形猶利之於刀未聞刀歿而利存豈容形亡而神在哉子良
使王融謂縝曰卿才美何患不至中書郎而故乖刺爲此甚可惜
也宜急毀之縝大笑曰使縝賣論取官已至今僕矣官至宜都太

守與其從弟雲世稱二難

范雲字彥龍子良開西邸延客時有八友雲爲首焉子良常啓齊主欲以雲爲郡齊主曰聞其恆相真弄朕不復窮法當宥之以遠子良曰不然雲動相規誨諫書具存遂取以奏凡百餘紙辭皆切直齊主歎息謂子良曰不謂雲能爾方便弼汝何以出守文惠太子常出東田觀穫願謂眾賓曰刈此亦殊可觀眾皆唯唯雲獨曰三時之務實爲長勤伏願殿下知稼穡之艱難無徇一朝之逸樂後歷官尚書殿中郎梁武帝拜爲吏部尚書天監二年拜侍中又拜爲左僕射尚書令封霄城侯武帝納余妃頗妨政事雲以女德舞陽縣志

卷之九

人物

六

爲累進諫上納之賜錢百萬史稱雲盡心事上知無不爲臨繁處劇精力過人有古良臣風

元王明嗣字伯昌擢進士第任翰林院編修遷國子司業博學謹行裨益風教名著當時史館咸推重焉

張憲字子裕性至孝登進士任國子伴讀改武陟縣尹有蝗入境仰天祝曰寧食尹腸勿傷民禾俄有黑鳥羣集啄食之尋遷河陽知府歲撈民飢請給粟賑救一郡賴之全活陞淮西虎符廉訪使歷內臺御史至都水屯田道名冠當時

明李巽洪武乙丑進士授工部屯田主事居官不嚴而肅益事勸

待下恕凡所董治靡不條貫冬官卿咸重之奉命徵山東新歲不
事督責事卒以辦焉以養親歸

侯諒洪武壬申貢體貌魁梧穎悟過人貢入太學時勅吏部簡拔
風憲而諒與焉立朝風采嚴峻踰四年擢知汝寧府值有寇警諒
日夕戒嚴多方訓練民賴以安朝廷嘉其績錫典褒之

邢麟永樂甲申貢授淮安推官讞獄明允累陞襄陽府知府剛明
果斷遠近畏服時奉撫檄督徵屬邑逋負監司惡其嚴劾罷麟陳
以寬嚴不能兩得上是其言還任後致仕歸

朱昇宣德丁未進士擢行人司奉使安南不辱君命擢湖廣道監
舞陽縣志

卷之九

人物

七

察御史正色立朝有直臣風

段復禮正統丙辰進士家素寒力學不倦通禮經奧旨恂恂和厚
人與之游如飲醇醪尤喜誘掖後學鄉人士胥敬愛之未仕卒

邵溫清正統丁卯貢授留守司斷事以明允稱等因親老乞休晨
昏奉侍未嘗少離且善於教人闡發經義一本程朱爲上類宗焉
楊宣成化丙戌進士初授太原推官賦性剛直治政精嚴丁外艱
補瀛州府持法益固豪強屏迹上重其風厲擢南京貴州監察御
史尋轉四川僉事

段錦成化丙午舉人幼穎悟博覽羣書過目不忘事母至孝田園

推讓與弟有古人風初授長子教諭歷慶雲肅寧吳橋崑山大諸
教授一擢六地士賴造就者甚多善屬文有史才纂修憲廟實錄
著有閻然集

徐繡宏治壬子舉人任華縣知縣居家孝友莅官清慎人觀考眾
乞休進六品階致仕

郭良正德年貢授武清縣政尚寬平人覲遇盜聞係武清知縣咸
曰此真好官不可犯遂引去事上聞以其德能化盜賜勅褒之遷
銅仁府判又改衡州府判益從仁厚而吏民卒畏服後致仕家居
坐臥一小樓足不履地者數載年八十餘卒

舞陽縣志

卷之九

人物

八

蕭九成太學生父名純正德間霸寇陷城被執九成叩頭請代賊
矜歎並釋之時暴骨枕籍純欲坎瘞限力未及而卒嘉靖戊子歲
荒死於溝壑者甚眾九成惻然思成父志於西部外易地四畝立
為義塚凡死無歸者葬其地知縣張穎高其義旌之及後蝗旱熇
疫相仍歲大饑死者視昔尤甚九成思前地隘復易地三畝以廣
之知縣辛大義旌其行且謂可以勵俗乃申提學副使孫蒙批孝
以繼志仁以及骨佳祀鄉賢

苗邦瑞由萬曆乙酉選貢授陝西宜川知縣初莅任裁減雜稅徵
額糧不事敲朴民爭完納每夏秋單騎課農犒以豚酒設孟門山

社講學課藝一時士風丕變緝盜釐蠹四境肅清解任日台邑祖
餞人多流涕

陳獻策萬厯甲午舉人歷任雷州府知府為人敦行誼力孝友博
覽經史精於吏治雷民感佩不忘

陳預抱增生其弟預養預懷廩生少孤力田好學事母以孝聞崇
禎十四年闖賊圍城急預養曰城且破丈夫死耳不可屈忽報賊
入城一家痛哭母段氏先投井中預抱預養預懷暨預抱妻黃氏
子默通預養妻馬氏子默恆未過歲子默言相繼並投入井賊退
隣人出其屍皆面目如生闖縣士民義之葬於井邊事載明史乾
隆八年奉准部咨預抱等六人俱祀鄉賢

雜陽縣志

卷之九

人物

九

國朝郭垓之字嵩如順治乙酉歲貢性孝友且道義自命不輕取
與嘗拾遺金四封訪其人還之土寇劉洪俊圍寨人咸惶怖無措
垓之獨挺身說賊賊感而去及爲建安尹寬仁廉明愛民禮士無
弗至有不孝子垓之痛自責謂是長吏罪不以法懲而以理論父
子悔泣如初催科以木籤代追呼完多者賞民皆樂輸庭無鞭撻
聲嘗奉憲命探游熙仲等不軌狀師將潛往垓之密訪得其實教
止勿殺刁民游武昌假捏逆示赴延津佔變當事發兵會勦垓之
知無事急請撤兵巨寇謝聖宣招集亡命爲地方患垓之偵其處

率百人夜半斬之撫餘黨來歸會海道不靖外供征繕內恤窮黎
曲盡調護無不盡善撫按院嘉其治交章特薦在任四年卒於官
卒七日而陞杭州府同知文下建人請入名宦舞土公呈祀先賢
祀本府鄉賢載河南通志人物傳

張國相幼失怙恃與兄國傑共爨三十餘年順治元年信陽道中
見一童子以亂離失所親號泣道左國相憐之收爲己子飲食教
誨如親生年弱冠卽補弟子員且爲之室後廉知爲楚省應山楊
氏所失子其父老無嗣乃厚具裝送其夫婦還里康熙己卯年道
經永城值一病夫困臥不能起且資盡國相詢知其故解囊贈金
舞陽縣志

卷之九

人物

十

俾還鄉病夫感泣請名不之語卽生平亦未嘗道及卒後其人率
妻子就食舞陽至國相家驀見堂上所懸像卽號泣拜地國相子
驚問之始自言姓黃名甲科具述昔日受恩事遂願夫妻終身服
役以爲報力辭之卒不去

楊如檀字御馨由歲貢任襄城訓導實心造士不愧蘇湖至性篤
親成姊孀節康熙辛丑崇祀鄉賢載河南通志

張玉振國相季子幼孤常以未及色養爲恨時祭必躬親不假子
弟代年七十餘悲咽狀猶作孺子哀音事兩兄極恭田園廬舍多
寡勿較應雍正癸卯拔貢不急聞達惟以先正風規自期倡導後

進邑令高其行延主書院十餘年課業講學經寒暑不輟非宴會
敦請不輕詣長吏門遠絕奔競干謁之習與人和易無爭捐義塚
免佃租救急濟貧義舉最多邑令丁永琪修志書縣域河渠悉賴
玉振稽考

郭樞兄厚早亡嫂張氏欲分居樞不能強父遺田六頃樞以五頃
給嫂而自得其一宅亦如之凡嫂所欲樞悉讓之分居後一切家
事仍爲董理事嫂極其誠敬撫育諸姪如已出又性謹厚不妄發
一言不妄交一人接人以禮然諾必信邑人無不敬服見中州彰

善錄

舞陽縣志

卷之九

人物

七

忠義

明生員康裕中行端學優遭明末亂賊執義不屈罵賊死

國朝舞陽汎兵丁馬進孝索得林張天保張進成朱文魁王發太
張文華楊如林八人於嘉慶元年赴匪滋擾在湖北陝西等處打
仗陣亡蒙

恩卹賞並祀昭忠祠

以上忠烈

明柴維懷仁好義樂善輕財孝事父母而於析骸之兄弟尤篤友
愛宗族亡不能殮者助之棺困不能立者資之鈔鄉人有博貸則
予不言償有貧窶則周不責報又施地爲義塚貧無坐域者悉得

葬埋萬厯癸巳歲值大饑輸金賑濟寒士貧民沾其惠者五百六十九人士林翕然推重本縣敦請賓館撫按兩院嘉其高誼賜以冠帶表揚宅里

關文質性廉介不苟取好予樂施鄉里族黨有貧乏者不惜錢米輒周給之一日偶得舊錢三十萬悉助修學宮重建櫺星門及戟門改明倫堂爲五間煥然一新闔學義之公舉學憲旌爲義官

樊瑞係舞陽侯之裔居近塚傍明季凶荒瑞罄其家貲以賑得藉以全活者木邑隣邑不下千萬人撫憲具題朝廷嘉其高義錫以指揮又令立坊額曰綸音旌義瑞建萬壽寺於村西以報國恩仲

舞陽縣志

卷之九

人物

七

子樊祚耀由千戶陞授渭源都閫明末多盜祚耀身經百戰渭源賴之以安及勢不能支遂死義賊人憫其忠許令家人以馬革裹尸而還

國朝郭景儀邑明經秉禮力學族黨英才多所成就有山有李姓貧難備供洒掃閒穿壁讀書景儀喜俾與肄業雍正丁未助資回籍登賢書後詣報恩不受謝儀子裕是年亦領鄉薦人推厚德之報

生員張瑄賦性爽直慷慨好義兄錦早逝撫孤姪宗濂並恩義兼至如已出雖異居婚嫁田廬料理如常族人志諒夫婦繼歿遺女

甫一歲寄養舅氏家其人私鬻之瑄聞切痛出貲贖爲己女撫育成人擇配出嫁厚以奩資女不自知其非瑄生者其篤於宗族類如此排難解紛息訟分爭鄉里感激咸推重焉

胡永壽陳柱之僕杜夫婦病篤托以三歲兒且囑藏金數十永壽許諾比長爲之婚娶有利其財而伺害者永壽護之維謹繼出藏金並示父遺勿耗有娶曰之風邑人高其義

按捐施者與死事同傳軒輊本爲失宜茲悉照舊志所載若生員邊琇遇歉歲減價糶穀邊廷瑄捐資修志書武生谷琦捐輸萬濟堂蒙上憲旌獎修志捐資爲眾倡監生王夢松捐七十金

舞陽縣志

卷之九

人物

七

修志此俱在知縣丁承琪修志之前又近世山西客民捐職布政司叩儀樹桂捐錢二千串爲書院生息捐錢二千串爲普濟堂生息蒙撫憲給與樂善好施匾額晉五揚捐錢一千串修建普濟堂房屋七十二間竇太平捐錢七百串以資緝捕之費捐職布政司經歷張宗禹修路修橋造船捐義塚貢生韓中孚捐地一頃零一畝二分設義學於金山寺監生郭必榮修堤修路施藥耆民左希聖拾遺金而建橋梁雖不必爲之立傳而其美固百不可沒者焉

以上義行

孝友

明周炳性至孝事母焦氏以色養溫清定省之禮無或缺家雖貧必甘旨供母母嘗疾劇夜焚香籲天乞以身代一日母思食獐肉遍求弗得晚忽有獐入室殺以陷母疾每愈人以為孝感所致洪武間事聞旌其門

高斌性篤厚以孝聞親歿號泣過情竭力營喪具既葬廬墓側晨昏哭奠越三年如初喪形體枯槁鄉人勸之歸斌猶不忍其純孝如此

王良爲人淳謹母董氏病藥必親嘗夜不解帶臥不入私室足不出戶外者百有餘日目皆盡爛每向天號泣可以身代母竟得愈舞陽縣志

卷之九

人物

南

後母終廬墓三年顛顛幾不可識人稱其孝
董浩家貧有孝行母楊氏卒浩適公遣家不能置棺裹置遠葬後四日始遺躡踊痛哭嘔血幾絕水漿不入口者數日曰生無以爲養死無以爲殮何以生爲結茅廬墓三年日夜號哭有虎至其傍逡巡而去人謂之孝感云

姚恭性至孝不由學問父興篤久罹廢疾晝夜侍奉溺便必手出之勞苦萬狀及卒哀毀踰禮葬之日徒跣雨雪中嘗墓葬後廬墓三年口噤粥不食鹽菜所居僅蔽風雨朝夕哭奠人稱其孝
蘇郭邑增生母死廬墓三年藥生芝草有司上其事撫按表其門

曰孝行

邢範邑廩生父死廬墓三年哀毀骨立事聞（按表其門）曰孝行
溫舒有孝子坊實行失傳

康斯民邑庠生性至孝家貧舌耕明末遭亂母喪賊至守柩不出
父促借逃斯民泣以布囊負祖先主掖父上寨寨不容潛寨下被
執斯民泣告以故賊義而舍之收族濟貧鄉里稱焉

國朝曹良玉事親孝擔負供養五十餘年生備滋味死極痛哀邑
宰旌表其門

陳射斗邑庠生父歿讓產養叔繼母異弟白首同爨孝友兼至

舞陽縣志

卷之九

人物

五

郭世俊性至孝貧馭供膳三十餘年父歿哀毀成病鄉里咸稱慕
之

生員李時松性孝友讓產胞兄計值千金闔邑稱之

梅萑從兄嫂亡遺孤廷彥弟妹皆幼萑視如己出撫育讀書爲之
婚嫁彥父遺地七畝萑歲收別貯以資彥後彥食餼及古耕所獲
令買地自贍其友愛恤孤有過人者

谷氏育好善樂施勤於耕佃兄弟同爨令兩弟業詩書獨任其勞
既而兩弟入庠家漸裕兄弟憫其勞以百金私其子育知之悉入
公用歲饑出賣雜糧不計其值鄉里稱焉

谷珍父再生病日失明珍朝夕禱於神潔口茹苦荼跪舐兩目三年忽一日豁然開朗光復如舊人以為孝感所致見中州彰善錄
馮光先字孝德十歲時喪父哀毀如禮母號泣輒昏暈光先含悲慰勸戚族見者咸稱異家貧出就學居高岡艱於水每值亢旱母汲水數里外光先請以身代母以其幼不許光先堅相隨以佐母力師不之知惡其作輟屢加笞撻光先不之言夜則焚爇一燈母積兒讀必俟母安息乃就寢未幾岡下突有一泉湧出噴流如注人亦未以為異也光先試輒蹶不以功名為念古耕奉母年三十五母有疾籲天求代母歿擗踊哭泣水漿不入口者三日舞陽縣志

卷之九

人物

去

曰此皆爛麻墓三年不食鹽菜毀瘠骨立人不識其面母歿後泉遽涸光先臨泉伏泣三日泉復潺潺如舊人乃信為至誠所感遂名為孝感泉又忽有雀二立挺生泉畔既而蕃衍成林皆呼為五生竹雖正壬子邑令陳欲為請 旌光先固辭僅以孝行可嘉類其門道光十年奉旌 旌夫人 兩建坊

時久論定君子愛人以德不敢不慎也於舊志請人外僅錄谷珍馮光先二人近世如舉人趙允耕侍父癱症衣不解帶者五年堂兄弟六人同居三十載無間言拔貢生孔廣順初養於張及歸宗選張氏產則濟張氏居母喪哀毀鬚髮頓白於孝友誠

無愧焉

節孝

明高邢氏 高通妻雍正元年旌有傳

張楊氏 張鷟妻

楊三姐 楊彪女

焦那兒 焦佐女

賈朱氏 舉人賈文煥妻道光十三年旌有傳

張傅氏 張偉妻道光十三年旌有傳

苗氏 戚世英聘妻道光十三年旌有傳

舞陽縣志 卷之九 人物

楊郭氏 姓氏載烈女祠碑事實失傳

楊袁氏 李朱氏並稱守節萬曆三十年各門後裔重建祠宇邑侯轉申三院蒙准春秋時祭

陳段氏 陳績妻陳豫抱豫養之母

陳馬氏 陳豫養妻陳段氏婆媳三人於乾隆五年經知縣繆集詳請乾隆六年蒙撫憲雅批准入祠並飭取冊結另詳請旌

繆經知縣繆集詳請乾隆七年八月十九年等年屢詳屢蒙道光十四年知縣王德瑛補詳請旌

國朝李張氏 李崇質妻康熙年旌有傳

王子氏 生員王其相妻康熙十四年旌有傳

谷浪氏 生員谷生春妻康熙十九年旌有傳

蔡吳氏 生員蔡勳妻守節二十六年乾隆五年旌

楊袁氏 生員楊汝梅妻道光十三年旌有傳

李王氏 李悅妻

郭翠玉 郭瑞女

戴僧姑 戴海女以上六人俱嘉靖年旌有傳

李朱氏 李儒繼妻萬曆三十年旌有傳

孟張氏 孟子學妻道光十三年旌有傳

無名氏女 道光十三年旌有傳

七

蘇陳氏 有傳烈女祠碑亦載其人碑文與賈朱氏

陳黃氏 陳預抱妻

李任氏 生員李篤妻道光十三年旌有傳

鄭氏 陳禾柱仲子聘妻道光十三年旌有傳

郭席氏 生員郭暉妻已旌有傳

趙王氏 趙愷妻守節二十八年乾隆五年旌

張黃氏 張易妻守節三十一年乾隆六年旌

胡蔡氏 胡金聲妻守節三十餘年道光十三年旌

李楊氏 李學敏妻殉夫

李蔡氏 生員李歲妻守節四十年

張邢氏 張應乾妻守節四十年

湯邢氏 湯自 有妻

王張氏 王仲舉妻殉夫乾隆九年旌有傳

郭李氏 郭述儀妻守節五十年乾隆十八年旌

趙郭氏 趙煒妻道光十三年旌有傳

舞陽縣志

卷之九

人物

大

陳曹氏 陳哲妻守節五十三年

楊孫氏 楊元科妻隣清之母守節二十餘年

梅高氏 梅起叢妻守節五十餘年

關張氏 關成妻守節三十年

王郭氏 王夢琴妻守節三十年

蘇譚氏 蘇成孔妻守節五十餘年

溫王氏 溫致妻守節三十年

王高氏 王其河妻守節三十七年

溫賈氏 溫進拔妻守節三十二年

連才姐 徐樹庸聘妻殉夫乾隆六年旌

張苗氏 張文生妻守節四十餘年

康陳氏 康估妻守節三十餘年

張郭氏 生員張珣妻守節五十一年

陳霍氏 陳瑄妻守節三十八年

臧蔡氏 臧珍妻守節四十年以上但道光十三年旌

楊賈氏 楊士器妻殉夫道光十一年旌

郭高氏 郭自儀妻守節四十五年乾隆十八年旌

李郭氏 李有妻守節六十一

張張氏 張志道妻有傳

楊苗氏 楊隣清妻守節四十年

關張氏 關中清妻戒之母守節三十年

張石氏 張綸妻守節三十三年

朱高氏 朱國聖妻守節三十四年

高劉氏 高策妻守節五十年有傳

王祁氏 王日琮妻守節二十八年

蔡高氏 蔡鼎妻守節三十餘年

賈杜氏 賈鐸妻守節二十六

韓氏 守節五十六年

龍劉氏 守節五十六年

張王氏 守節五十六年

閻勤姐 守節五十七年

劉惠姐 守節五十七年

劉富妮 守節五十七年

王師氏 守節五十七年

孟王氏 守節五十七年

王如妮 守節五十七年

舞陽縣志 卷之九

張李氏 守節五十七年

楊宗氏 守節五十六年

郭劉氏 守節五十八年

苗張氏 守節五十八年

張邊氏 守節五十六年

田曹氏 守節五十六年

汪李氏 守節五十六年

蔡張氏 守節五十九年

周李氏 守節五十九年

李宋氏 守節三十年

范辛氏 守節三十年

宋周氏 守節三十年

鄭惠氏 守節三十年

李陳氏 守節三十年

安陳氏 守節三十年

王何氏 守節三十年

溫黃氏 守節三十年

王張氏 守節三十年

人物 九

田吳氏 守節三十年

郭李氏 守節三十年

郭田氏 守節三十年

蔡梅氏 守節三十年

谷張氏 守節三十年

陳呂氏 守節三十年

郭張氏 守節三十年

郭郭氏 守節三十年

高胡氏 守節三十年

節三十六年

張氏

節三十九年

李袁氏

守節四十六年

蕭李氏

節四十六年

于効氏

節四十二年

張邢氏

節十六年

王張氏

節二十一年

邢宋氏

節四十六年

張郭氏

節四十八年

舞陽縣志

卷之九

人物

三

楊郭氏

節六十四年

任張氏

節四十四年

謝呂氏

節四十八年

孫董氏

節五十七年

劉楊氏

節三十三年

范張氏

節四十四年

張李氏

節三十九年

蔡潘氏

節二十一年

趙張氏

節四十二年

蔡高氏

節三十五年

田王氏

節二十六年

周王氏

節三十八年

劉楊氏

節三十一年

孫王氏

節五十二年

孟李氏

節三十一年

張郭氏

節十三年

周馬氏

節五十六年

郭時氏

節四十二年

楊太淑妻守

任大宗妻守

謝應舉妻守

孫士重妻守

劉秉禮妻守

監生范宗義妻

張永茂妻守

蔡鶴年妻守

趙度妻守

苗梁氏

節三十四年

王馮氏

節六十四年

武劉氏

節三十七年

裴尹氏

節三十四年

秦張氏

節十五年

周焦氏

節十七年

張楊氏

節四十四年

臧楊氏

節二十五年

謝張氏

節二十六年

操周氏 節五十九年

范余氏 節五十八年

蔡梅氏 監生蔡信道妻 守節二十年

吳張氏 節五十五年

張羅氏 節五十五年

張臧氏 節四十九年

傅于氏 節五十年

谷童氏 節三十九年

高張氏 節五十九年

舞陽縣志

卷之九

人物

三

王汪氏 節十八年

郭潘氏 節十三年

裴殷氏 節三十三年

張蔡氏 節十六年

谷陳氏 節四十四年

谷高氏 節五十五年

張吳氏 節三十三年

苗馬氏 節五十八年

高陳氏 節四十五年

吳董氏 節三十二年

史申氏 節五十八年

韓李氏 節四十年

任梁氏 節四十一年

秦吳氏 節六十八年

李惠氏 節六十二年

司孟氏 節六十二年

臧李氏 節四十二年

宋張氏 節四十六年

宋汝誠繼妻 守節四十五年以上 十八人俱係已故道光十三年旌

蔡劉氏 蔡萬武妻守節四十四年現年七十五歲

蔡靳氏 蔡如栢妻守節四十七年現年七十歲

溫宗氏 監生溫鎔妻守節三十七年現年五十八歲有傳

張王氏 張成妻守節三十六年現年五十六歲

柯劉氏 柯耀禮妻守節三十七年現年五十七歲

盧屈氏 盧承順妻守節三十七年現年六十五歲

劉谷氏 劉體元妻守節四十四年現年六十一歲

馮侯氏 馮泰妻守節四十六年現年七十六歲

傅胡氏 傅文蔚妻守節三十七年現年五十一歲

舞陽縣志

卷之九

人物

三

康鄭氏 康學立妻守節三十四年現年六十一歲

張王氏 張連妻守節五十七年現年七十七歲

馮郭氏 馮沂妻守節五十七年現年七十一歲

楊張氏 楊輝妻守節四十九年現年七十歲

盧王氏 盧永錫妻守節二十九年現年五十三歲

王毛氏 王景玉妻守節四十八年現年七十三歲

劉秦氏 劉惠遠妻守節二十八年現年五十七歲

孫馬氏 孫廣玉妻守節四十七年現年六十六歲

胡王氏 胡德祥妻守節三十二年現年六十一歲

周劉氏 周九錫妻守節三十八年現年五十八歲

胡郭氏 監生胡玉麟妻守節三十五年現年五十五歲

張袁氏 廩生張恆裕繼妻守節三十年現年五十五歲

李何氏 李晟妻守節四十二年現年六十五歲

宋高氏 宋德彰妻守節二十年現年五十五歲

李張氏 李九經妻守節四十六年現年六十八歲

康王氏 康鶴年妻守節五十年現年七十八歲

苗焦氏 苗德聚妻守節三十一年現年五十七歲

朱李氏 朱印文妻守節六十年現年八十七歲

杜趙氏 杜秀妻守節四十三年現年七十一歲

劉李氏 劉隆道繼妻守節四十七年現年六十七歲

李劉氏 李凝妻守節四十二年現年六十六歲

苗溫氏 武生苗殿光妻守節五十二年現年七十九歲

陳朱氏 陳善妻守節五十二年現年七十五歲

李張氏 李學祥妻守節三十一年現年五十一歲

康侯氏 康柄年妻守節四十四年現年七十一歲

陳宗氏 陳節妻守節四十八年現年七十六歲

宗王氏 宗剛妻守節三十二年現年五十三歲

張劉氏 張球漢妻守節三十一年現年五十二歲

宗喬氏 宗聖書妻守節三十一年現年五十一歲

何王氏 何宗義妻守節五十八年現年七十八歲

臧劉氏 武生臧毓委妻守節三十九年現年六十五歲

高蔡氏 高雲衢妻守節三十四年現年五十四歲

谷張氏 谷伯聖妻守節三十一年現年五十一歲

劉龐氏 劉德新妻守節二十三年現年五十一歲

高陳氏 高汝翰妻守節三十一年現年五十八歲

李楊氏 李文堂妻守節三十一年現年五十五歲

舞陽縣志 卷之九

蔡李氏 蔡益妻守節四十年現年五十九歲

張李氏 附生張坤載妻守節二十八年現年五十五歲

谷王氏 谷宣德妻守節三十五年現年五十九歲

馬薛氏 馬輔元妻守節四十二年現年六十歲

張董氏 張金聲妻守節四十年現年六十六歲

劉高氏 劉九謙妻守節三十四年現年五十四歲

邵王氏 邵景平妻守節四十年現年七十六歲

林關氏 林天惠妻守節三十一年現年五十二歲

侯黃氏 侯尚安妻守節三十三年現年六十三歲有傳

樊張氏 樊基遠妻守節三十一年現年五十一歲

邢于氏 邢體元繼妻守節四十年現年七十歲

王胡氏 王日梅妻守節五十五年現年七十五歲

高賈氏 高其專妻守節六十年現年八十三歲

張鞏氏 張國輔繼妻守節四十年現年五十八歲

高王氏 生員高定國妻守節三十九年現年六十七歲

王陳氏 王朝賓妻守節三十三年現年五十三歲

王谷氏 王建中妻守節五十年現年七十二歲

王尙氏 王鴻勳妻守節三十三年現年五十一歲

人物 五

張郭氏 張存希繼妻守節三十一年現年六十三歲

谷曹氏 谷士銳妻守節六十五年現年九十歲

孫谷氏 孫正誼妻守節三十一年現年五十一歲

張蔡氏 張敏中繼妻守節五十二年現年八十一歲

陳朱氏 陳國楨妻守節三十一年現年六十三歲

王張氏 王興順妻守節四十年現年七十三歲

羅李氏 羅琛妻守節二十七年現年五十五歲

侯謝氏 侯鈞繼妻守節三十一年現年五十六歲有傳

劉臧氏 劉恆清妻守節三十一年現年五十九歲

楊汪氏 楊溫珍妻守節四十四歲

高谷氏 高錫華妻守節五十一歲

張楊氏 張恆齡妻守節五十一歲

劉楊氏 劉白修妻守節五十九歲

黃王氏 黃朝賜妻守節四十六歲

李王氏 李懷勤妻守節五十七歲

張蘇氏 張錫妻守節六十八歲

楊張氏 楊培善妻守節四十八歲

李張氏 李從妻守節三十六歲

舞陽縣志 卷之九

谷張氏 谷一省妻守節四十二歲

趙田氏 趙彬士妻守節四十四歲

谷胡氏 谷吉祥妻守節五十七歲

周張氏 生昌周之楨妻守節二十九歲

孫陶氏 孫其章妻守節二十九歲

郭邢氏 生員郭應平妻守節三十八歲

王董氏 王紹先妻守節四十一歲

王熊氏 王素裕妻守節五十九歲

牛高氏 牛慎亮妻守節四十四歲

周汪氏 生員周光錫妻守節三十一歲

劉吳氏 劉芳遠妻守節三十一歲

黃丁氏 黃富榮妻守節三十一歲

高孟氏 高振興妻守節五十五歲

楊高氏 楊成謀妻守節二十一歲

楊武氏 楊廷齡妻守節四十一歲

邢張氏 邢承鎮妻守節四十一歲

劉谷氏 劉春芳妻守節二十一歲

裴蔡氏 裴三元妻守節二十一歲

臧張氏 州同臧凌漢妻守節三十一歲

李陳氏 李廷元妻守節二十一歲

左鹿氏 左鈞明妻守節二十一歲

左黃氏 監生左廷源繼妻守節二十一歲

王郎氏 武生王振翹妻守節二十一歲

郭胡氏 郭謙和妻守節二十一歲

喬樊氏 喬豫章妻守節二十一歲

張樊氏 張臨敬妻守節二十一歲

王周氏 王應科妻守節三十一年現年五十二歲

陳楊氏 陳永疑妻守節三十七年現年六十五歲

張李氏 張生張鵬舉妻守節四十五年現年七十二歲

陳王氏 陳自明妻守節四十二年現年六十七歲

郭蔡氏 生員郭運西妻守節三十八年現年六十六歲

黃郭氏 黃益謙妻守節三十四年現年五十三歲

唐胡氏 唐桂林妻守節四十八年現年六十八歲

陳胡氏 監生陳景運妻守節三十八年現年五十七歲

郭王氏 郭濬疑妻守節三十一年現年五十六歲

舞陽縣志 卷之九

焦梅氏 焦步雲妻守節三十二年現年五十二歲

張王氏 張春芳妻守節三十四年現年五十四歲

張梁氏 張宏繼妻守節三十四年現年五十二歲

張朱氏 張文獻妻守節三十二年現年五十七歲

陳周氏 陳剛妻守節三十二年現年五十二歲

于武氏 于時成妻守節五十五年現年七十四歲

三十七人俱係現存遺光十三年旌

節孝列傳

明高邢氏高通妻正統時人通死邢年二十三歲撫幼子矢志遺

侯黃氏 侯新民妻守節四十二年現年六十八歲

孫張氏 孫瑞生妻守節二十五年現年五十二歲

張方氏 張雲禎妻守節二十三年現年五十一歲

周梁氏 周恆妻守節三十二年現年五十二歲

秦郭氏 秦扶妻守節二十年現年五十二歲

高王氏 高振和妻守節四十八年現年七十八歲

陳任氏 陳憲典妻守節三十二年現年五十一歲

李楊氏 監生李天章妻守節二十一年現年五十五歲

趙連氏 趙成業妻守節四十二年現年六十八歲

人物 五

任張氏 任春妻守節四十五年現年六十八歲

魏鄭氏 魏福妻守節四十二年現年六十九歲

張劉氏 張敬車妻守節四十二年現年六十七歲

邢牛氏 邢承祐妻守節四十八年現年七十四歲

周梁氏 周樂年妻守節四十四年現年六十六歲

張胡氏 張瑞雲妻守節五十年現年七十四歲

居足不履外戶。舅憐其幼，欲嫁之。邢泣曰：「烈女不更二夫，更二夫何以異於禽獸？」即志不可奪。及舅卒，邢以禮葬之。家日陵替，乃躬織紡，教遺孤，操節凜然。年八十餘而終。正統間，有司上其事，詔旌表。其間宏治閱坊牌，敝人竊毀之。縣令陳公過而見，曰：「夜夢孝婦訴人毀其室宇者，其卽此乎？」訊得其情，爲重修焉。雍正元年，入祠建坊。

楊袁氏，增廣生員楊汝梅妻。夫遇賊被害，袁時方二十一歲。子方東甫，二齡，痛夫非命，以帶自縊。家人救甦，其姑勸之曰：「汝夫不幸，凶天棄我，與孤汝若自盡，我何所倚？」袁乃朝夕孝養孀姑，撫育孤子，足跡不出門外五十餘年。堅貞完節。嘉靖四十二年，事聞，撫按表曰：「松筠勁節，道光十三年入祠建坊。」

張楊氏，僉事楊宣女。年十七嫁士人張鸞。未踰年，正德辛未，羈賊突至，夫婦咸被執。賊先殺鸞，操刃欲犯之，曰：「汝從我，享富貴；楊乃厲罵被害。」

李王氏，李悅妻。被羈賊驅營中，見婦女十數，盡在焉。復環以白刃，守之至晚。賊厯鞫而訊之，曰：「從我者生，不從我者死。」王卽冒刃厲聲曰：「我願死，遂殺之。」

楊三姐，父名彪，羈賊破縣，女被擄，欲汚之。女曰：「吾良家子也，此身

如玉纖悉瑕疵尙不肯受肯受狗彘之玷乎遂遇害

郭翠玉瑞之女許聘王氏子某未幾疾卒翠玉辭父母往事舅姑
勸紡績教婦道以孝聞城臨城恐被辱卽仰夫誓曰生爲婦婦
死當完節遂縊死

焦那兒佐之女霸賊至女適避疾父呼同避難女曰吾身狼狽步
履維艱且女子行於途未免爲人窺伺萬一辱身寧不爲家門之
累乎強之不可卽閉門自經

戴僧姑父名海霸賊陷城見女悅之女罵不絕口追及後園投井
中數日家人出屍顏色如生以上六人於正德癸酉提學道會事
舞陽縣志

卷之九

人物

七

萬安劉公上其事奉詔旌之嘉靖癸巳分守大叅黃岡劉公建祠
城隍廟東曰烈女祠有碑記見藝文志

賈朱氏邑人朱讚女適舉人賈文煥夫卒時年二十六歲遺孤昌
齡方七歲氏竭力營葬家道日貧志節愈勵侍姑飲食必親致敬
姑偶攪危疾日夜焚香請代教子讀書戒之曰爾父不幸夫卒爾
宜勉繼前志慎勿游惰昌齡果力學補廩員四十餘年冰霜如一
事聞按院表其門曰節孝道光十三年入祠建坊

李朱氏邑人李備繼妻夫卒氏年二十二歲哀毀滅性願以身殉
就縊者三婦姑陳氏解諭氏篤志守節貧且益堅事姑盡孝姑疾

湯藥親嘗撫前妻子孔輝無異已子五十餘年終始不易萬曆三十年按院題請入祠建坊

張傅氏遷安人前縣令傅貞之孫女聰慧淑敏適邑人張偉克盡婦道偉遭疾弗起氏仰天號痛衣衾棺槨悉循禮以空棺並列夫側泣謂諸親曰我夫死無子欲生何爲遂將衣服粧奩俱投之火葬前一日沐浴更衣焚香酬酒於夫柩前曰相從地下矣遂自經遠近親疎弔者無不流涕夫妻合葬城西道光十三年入祠建坊

孟張氏生員孟子學妻十四歲于歸夫故時氏年一十八歲痛哭幾絕不進飲食者三日縊死柩側邑令薛應麟高其行爲之收殮夫婦共置一棺葬城東大道南立碑墓頂以旌其節有地一畝零

舞陽縣志

卷之九

人物

美

乾隆九年撥入潘公祠道光十三年入祠建坊

苗氏生員苗佳顯女許聘臧世英爲妻時年甫十四未字值闖賊破城前數日女不令父母知卽將遍身衣服密縫比賊至卽投井而死及賊去出屍面貌如生戚里爲之歎息道光十三年入祠建坊

無名氏女崇禎庚辰賊陷城氏與眾婦女避東街谷姓樓中時氏年未及笄有姿容賊破樓強其隨已氏大罵脇之以刃罵益厲遂

遇害前志以姓氏未詳失載至今里巷傳頌久而彌芳爰採而志
之道光十三年入祠建坊

蘇陳氏蘇松繼妻嘉靖間諸生郭之母有前妻譚氏所生子曰邦
陳氏生三子曰鄧曰郭曰鄰其愛養服食必先邦而後及鄧等一
日邦偶遭重疾卽焚香祝天曰邦兒非吾所生吾視之殆重於吾
兒今病甚願以鄧等代祝未已淚數行下或怪而問之曰譚氏兒
一吾兒三以一代之庶不欲絕譚氏裔耳陳氏疾將終顧邦等曰
我今且病有如不諱若等當友愛勤儉勿爭競異爨邦等居喪有
禮及蘇邦泣曰吾受母恩厚吾請廬墓報之郭曰吾不能爲此而
舞陽縣志

卷之九

人物

完

兄乃廬耶兩人爭久之郭卒廬三年踰大祥有芝生焉烈女祠碑
稱爲節孝旌表

國朝李張氏李崇質妻寡言笑諸妹與習針指畏如嚴師歸李生
子棟飛三日而崇質卒氏以死自誓不食飲者三日舉家反覆慰
勸不得祖母徐拊其背呼曰癡婦何至此極也婦死於夫得矣如
兒何如李氏宗祀何且婦人死節易守節難婦何不爲其難徒取
易者以了一生局哉以聞言稍悔悟強起理家事孝慈兼至後棟
飛補弟子員食廩餼處事公請旌表建坊

稱

貞生無李棟飛其人當是以字

李任氏生員李篤妻年十九于歸生子振先甫三歲篤亡氏痛幾絕不食者累日誓以死殉舅姑泣勸曰死節易耳爾有幼子老親忍棄之耶氏感諭稱未亡人事舅姑撫遺子中遭亂離凶荒親操井臼勤紡績茹藥飲冰三十年如一日教子讀書每泣訓之由是振先弱冠入類娶妻生孫氏曰可以報亡人矣一笑而絕時年五十二歲事閭院司道府俱行旌獎道光十三年入祠建坊

王子氏西平生員于應昌女幼讀書知禮義許字邑庠王其楫楫未婚而故女時年十四閨訃隱痛幾絕卽自製素衣編裳隨父母往弔及父母欲引之歸女曰旣以身許人夫亡宜死女不歸矣遂舞陽縣志

卷之九

人物

三

留姑家投繯者三家人救止不得死旣而悟曰舅亡夫死兩叔尙幼事姑無人若死則節盡而孝缺也乃毀容勤作以事孀姑閱九年兩叔俱婚娶一旦入庠氏以事姑有托題絕命詩墜樓而死死之時白氣如虹匝樓不散康熙十四年入祠建坊

鄒氏麻城縣鄒知靈女許同鄉陳天柱仲子後知靈流寓舞陽天柱宦於鞏奉裁旋里知靈尋故數年音聞不通其母欲改字僞傳陳歿未幾天柱補官遣子詣舞親迎母又誑陳子云女死女泣曰父在許陳陳遠來今背父忘盟何用生爲母曰歎女子千里從人吾何望焉女見母執不從是夜遂自縊明日聞於外陳子向屍泣

曰爾爲我死我當爲爾葬具棺殮葬勒墓石而去

谷張氏生員谷生春妻張文星女也年十九于歸八載生春故氏欲死殉姑華氏諭而止矢志守節養六旬姑撫六齡子晝夜紡績更值姑疾不能動立氏周旋牀褥四十餘年孤正宗長命習方脈調養姑疾姑至七十七歲以壽終殯葬竭力幾微無憾康熙二十九年氏年六十三歲闔邑公報入祠建坊

郭席氏孟縣訓導席訓女生員郭惲妻十六歲于歸二載姑死事繼姑更以孝聞二十五歲夫死矢志撫孤未幾舅又死時惲弟尙幼晝夜紡績以資衣食至孤受室生子而天更撫孤孫數年後孫舞陽縣志

卷之九

人物

三

又天氏痛欲死感姊如言繼猶子昌儀爲嗣氏年五十二歲屢遭大變金石益堅闔邑公報入祠建坊

王張氏王仲舉妻夫死無親哀乞房主高生得棺葬畢卽自縊夫之墓側里人哀之合葬焉乾隆九年入祠建坊

趙郭氏趙煒妻夫亡早寡遺孤三歲恐夫家改適歸母家斷髮誓守子稍長始還泣曰延趙氏一服非容易道光十三年入祠建坊
張張氏張志道妻夫樵採爲生及亡遺二孤皆乳臭氏矢志紡績鬻飯爲生活計蓬頭懸血節堅金石道光十三年入祠建坊

高劉氏高策妻早寡無子夫兩兄年荒離散氏尋回同居隨相繼

亡遺子女撫如已出苦節計五十年

谷張氏谷廷輝聘妻聞夫訃哀泣不欲生父知其志卽送氏于歸
在夫世前成服時祖姑年過姑亦多病氏誠心奉事深得婦道撫
養諸弟成人投室鄉隣至今贊歎不已

孫董氏孫士重聘妻夫故時氏闕節哀泣絕粒父知其貞志卽商
其翁姑迎氏于歸匍匐於夫之柩前悲慟成服絕而復甦事翁姑
生養死葬盡哀盡禮苦節五十七年取姪公奇爲子愛如已出嘉
慶十六年公請旌憲齋賜給匾額

劉楊氏劉秉禮妻本農家女賦性賢淑夫故時一聞訃音哀泣不
舞陽縣志

卷之九

人物

十一

已父邀親族商其翁姑於夫殯埋之日墓前成服氏撫棺悲慟絕
而復甦從此苦歷冰霜罕見色笑上奉翁姑生養死葬盡哀盡禮
一生貞荆布素食終身鄉里賢之

郭時氏郭素履妻夫歿時無子取堂弟郭素修之子運西爲嗣稍
長使就學讀書時家無寸土舅姑垂老舅又多病氏以針指經
營一供奉養一設床解數載舅歿殯葬之事俱氏一人經營盡哀
盡禮所居屋不蔽風雨時白芟茅補葺冬月雪緣隙入氏念姑寒
常身爲遮蔽鄉里憐而周濟者非至親不受

溫宗氏監生溫修妻夫抱病身已癱患臥牀兩邊湯藥惟氏侍奉

及夫病劇對氏泣言吾病必不能愈父病子幼家遭多難累爾奈何氏含淚曰君且保養病體無他憂慮養老撫幼婦人常事何爲勞苦迨氏夫故氏枕屍而哭氣絕數次殮殯外室勿令舅知每於舅問其夫病則曰少愈厥後舅知慟悼欲死氏委曲慰勸代夫事舅周旋牀第夜不息燈衣不解寢二年舅故氏治喪具同夫靈柩扶葬祖塋盡哀盡禮教子有義方次子宗麗身列邑庠治家勤勞紡績織紉不知倦怠宗族稱孝焉

侯謝氏侯爵繼妻子歸時不逮事舅姑其側室黃氏先歸有年而無所出及氏子歸相處甚睦絕無妬忌心生一子豹變不數月而

德陽縣志

卷之九

人物

三

夫故氏悲慟幾絕念尙有一息可延宗祧乃益善遇黃氏以堅其志使共撫襁褓茹荼飲藥辛苦備嘗迄今子已成立又生孫矣

侯黃氏侯爵妾孝奉舅姑謹事嫡室及舅姑與嫡相繼歿爵又娶謝氏爲繼室氏仍恪守名分毫無陵犯爵歿後氏愧無所出志欲身殉經繼室慰勸乃共撫弱子豹變恩如已出嘗撫而泣曰此侯氏一綫也願天點佑勿斬宗祀乃日夜紡績與繼室協和撫豹變成立焉以上俱道光十三年詳請入祠建坊

耆壽

嘉慶元年

恩賞七品頂戴老民朱呈魁八品頂戴老民吳茂起郭大亮張羅
謨蔡碧張鵬九効建德楊景萌李史臣臧翔九陳永全九品頂戴
老民蔡近淮王明舉周珖包康楊世澤苗峻若張永盛王希仲郭
薰劉漢振馬麟翔熊夢熊趙九成杜明萬張麟遊常思讓黃進榮
董克誠陳心珠劉燭劉明鈺鄭自學蔡思敬傅天成郭子持任雲
鞏長一劉摛謙鹿倫張元璐李懷珠李廷玉朱建平王永康王奉
功左希聖任立孫九榮張進王廷玉

道光元年

恩賞七品頂戴老民王錫倫吳至德八品頂戴老民田祐栗榮九

陽縣志

卷之九

人物

三

品頂戴老民田鳳來劉德明魏顯揚馮越張子惠陳驥楊秉全張
殿颺張稽袁宏徵張秉璋宋翼修梁作楫陳盡職胡自立張庶劉
心傳

道光十三年詳請建坊之五世同堂焦荷禎有子三人焦齊賢監
生焦景賢廩生焦敬賢孫四人慎修懋修恣修恣修會孫三人不
基丕顯丕觀元孫一人五堂

